

歷朝名人詞選

歷朝名人詞選卷八目次

中調

淡黃柳 一首

芭蕉雨 二首

侍香金童 一首

錦纏道 一首

解珮令 一首

垂絲釣 一首

感皇恩 一首

青玉案 二首

兩同心 一首

天仙子 二首

小桃紅 二首

雙調江城子 五首

月上海棠 一首

千秋歲 二首

離亭燕 二首

粉蝶兒 一首

師師令 二首

于飛樂 一首

傳言玉女 二首

百媚娘 一首

越溪春 一首

剔銀燈 二首

訴衷情近 一首

解蹀躞 一首

御街行 一首

風入松 二首

祝英臺近 三首 又名月底修簫譜

一叢花 二首

金人捧露盤 一首 又名西平曲

柳初新 一首

鬪百花 一首 又名夏州

驀山溪 三首 又名上陽春

爪茉莉 一首

最高樓 一首

早梅芳 一首

拂霓裳 一首

洞仙歌 二首

蕙蘭芳引 一首

簇水 一首

江城梅花引 一首

魚游春水 一首

歷朝名人詞選卷八

清綺軒原本

華亭夏秉衡選

中調

淡黃柳

途次

宋姜夔

空城曉角吹入垂楊陌。馬上單衣寒惻惻。看盡鶯黃嫩綠。都是江南舊相識。正岑寂。明朝又寒食。強携酒。小橋宅。怕梨花落盡。成秋色。燕燕飛來。問春何在。惟有池塘自碧。

芭蕉雨

邀友

宋程垓

雨過涼生藕葉。晚庭消盡暑。渾無熱。枕簟不勝香滑。爭奈寶帳情生。金尊意愜。玉人何處夢蝶。思一見冰雪。須寫箇帖兒。丁寔說。試問

道肯來麼。今夜小院無人。重樓有月。

春雨

本朝
陳維崧

輕煖輕寒時節。東風將柳絮。搓香雪。暗惹翠蛾。千結。絕似細雨。紅橋
情人乍別。綠窗花影半摺。待折未曾折。儘草上輕狂。雙蛺蝶。亂撲
看雨和煙攪得。今歲韶光不成三月。

侍香金童

桃花

宋
趙長卿

一種春光占斷。東君惜。算穠李昭華。爭並得。粉膩酥融。嬌欲滴。端的
尊前舊曾相識。向夜闌。酒醒霜濃。寒又力。但只與冰姿。添夜色。繡
幕銀屏人寂寂。只許劉郎暗傳消息。

錦纏道

春景

宋
祁

燕子呢喃景色乍長春。畫觀園林萬花如繡。海棠經雨燕支透。柳展宮眉翠拂行人首。向郊原踏青恣歌攜手。醉醺醺尙尋芳酒。問牧童遙指孤村道。杏花深處那裏人家有。

解珮令

蹴毬

本朝 葉尋源

風聲敲竹。爐煙裊綠。錦鞵瑜星輪低蹴。窄袖輕衫。肩並處。春趺飛逐。笑雛鬢新教難熟。衣香散馥。燕釵墮玉。漸融融暖生金屋。倦倚屏山。蚤牆角斜陽西促。對菱花殘粧重沐。

垂絲釣

感舊

宋 周邦彥

縷金翠羽粧成纔見眉。嬾倦倚繡簾看舞。風絮愁幾許。寄鳳絲雁柱。春將暮。向層城苑路。鈿車似水。時時花徑相遇。舊遊伴侶。還到曾

來處門掩風和雨。梁燕語問那人在否。

感皇恩

寒食

宋 晁冲之

寒食不多時。牡丹初賣。小院重簾飛燕礙。昨宵風雨。尚有一分春在。今朝猶自得。陰晴快。熟睡起來。宿醒微帶。不惜羅襟揜眉黛。日長梳洗。看著花陰移改。笑拈雙杏子。連枝戴。

青玉案

冬閨

本朝 毛際可

彈箏銀甲寒初卸。始覺得孤眠乍。靜裏更籌都數下。司天無準。雞人貪睡。竟把年成夜。梅花幾日開還謝。酒泛屠蘇爲誰把。兩地情悰全沒假。昨宵書到。小姑偷看。說向人前怕。

虎邱

龔鼎孳

金閨箇是迷香路。又月底移船去。風定石坪笙管度。吳王虹劍貞娘
珠粉兒女英雄處。草痕短薄荒祠暮。入望寒山夜鐘句。自負多情
天應許。要離年。逞館娃人去。一陣催花雨。

兩同心

春夜

本朝

吳棠禎

斗帳剛垂沈香初浸喜。小腰半卸紅裙見。玉手緩移珊枕。又呼人剔
了燈花。教郎先寢。城上三更漏鼓。春寒太甚。不回頭媚眼羞開假
生。嗔笑聲難禁。須記得昨日看梅前朝催飲。

天仙子

送春

宋張先

水調數聲持酒聽。午餘醒來愁未醒。送春春去幾時回。臨晚鏡。傷流
景。往事悠悠空記省。沙上並禽池上暝。雲破月來花弄影。重重翠

幕密遮燈。風不定。人初靜。明日落紅應滿徑。

桃花

本朝 佟世南

隱隱青山濛碧霧。小艇但隨流水去。荒村何處問桃花。芳草渡。斜陽暮。一片紅雲遮去路。偏怪東風吹不住。點點臙脂飄細雨。人家疑在武陵源。花亂舞。鶯亂語。只恐劉郎來又悞。

小桃紅

畫眉

宋 劉過

曉入紗窗靜。戲弄菱花鏡。翠袖輕勻。玉纖彈去。小粧紅粉。畫行人愁外。兩青山與尊前離恨。宿酒醺難醒。笑記香肩並。暖借蓮腮。碧雲微透。暈眉斜印。最多情。生怕外人猜。拭香津。微搵。

緋桃

本朝 朱彝尊

露井繁英積。香徑游絲織。宿雨猶含。暖波頻漾。短牆愁隔。記少年尋

到赤闌橋得仙源消息。最恨東風急。飄上春泥濕。易掩重門難逢人面。斷腸空憶。便浣花牋紙染輕紅也。無他顏色。

雙調江城子

春思

宋謝逸

杏花村館酒旗風。水溶溶。颺殘紅。野渡舟橫。楊柳綠陰濃。望斷江南山色遠。人不見。草連空。夕陽樓外晚煙籠。粉香融。淡眉峯。記得年時相見。畫屏中。只有關山。今夜月千里。外素光同。

別情

蘇軾

天涯流落思無窮。既相逢。卻匆匆。攜手佳人。和淚折殘紅。爲問東風餘幾許。春縱在。與誰同。隋堤三月水溶溶。背歸鴻。去吳中。回望彭城。清泗與淮通。寄我相思千點淚。流不到。楚江東。

美人

謝幼槃

破瓜年紀柳腰身。懶精神。帶羞嗔。手把江梅，冰雪鬪清新。不向鴉兒飛處著。留乞與、眼中人。水精船裏酒鱗鱗。皺香茵。駐行雲。舞罷歌餘，花困不勝春。問著些兒心底事，纔靨笑，又眉嚬。

旅思

本朝 尤 侗

江城佳節也。清明喜新晴。午風輕。寡柳孤桃，粧點可憐生。羅襪繡鞋人不見。空辜負、滿堤青。客遊隨分踏沙行。冷旂亭。隔花屏。無限家山，綠水畫船橫。寶馬雲車香過處，看玉手撥銀箏。

招飲

林雲銘

炎天晝臥，悄無酬強開眸。別尋幽。好友相招，入座盡名流。往昔傷心多少事，當笑謔一齊休。移樽傍石，晚風稠。柳枝柔掠人頭。古木參差。疑是畫圖，留醉眼斜看雲影破。日色薄似清秋。

秋海棠

本朝 狄億

秋霜樂透斜陽樹。又零星散作。麝脂雨。旖旎天韶。尙朦朧睡酣情緒。雕闌畔冷浸輕紅幾許。舍情相對。渾無語。似天公巧借春時序。醉裏朱顏怕難禁。晚來風露近寒月。數枝蕭疎漫吐。

千秋歲

夏景

宋謝逸

棟花飄砌。蔌蔌清香細。梅雨過。蘋風起。情隨湘水遠。夢繞吳峯翠。琴書倦。鷓鴣喚起南窗睡。密竟無人寄。幽恨憑誰洗。修竹畔。疎簾裏。歌餘塵拂扇。舞罷風掀袂。人散後。一鈞淡月天如水。

春暮

趙彥端

杏花風下。獨立春寒夜。微雨度。疎星挂。輝輝濃艷出。嫋嫋繁枝亞。朱檻倚。輕羅醉裏添還卸。寂寞情猶乍。悵望鷗鷺駕。衣褪玉香欺麝。

一花拚一醉。杯重憑誰把。春去也。重簾翠幙人如畫。

夏日

本朝
曹爾堪

池塘清思。菡萏紅生膩。涼正嫩。人初起。榴殘猶灼火。竹稗齊搖翠。聞巧哢。畫眉能攬西堂睡。柏子抽煙細。蟹眼潮剛沸。時坐臥。濃陰底。屐黏苔。蘚暈衣。惹醪醅。刺還生。受桃笙。簟滑涼於水。

離亭燕

懷古

宋
張昇

一帶江山如畫。風物向秋瀟灑。水浸碧天何處斷。霽色冷光相射。蓼嶼荻花洲。掩映竹籬茅舍。雲際客帆高掛。煙外酒旂低亞。多少六朝興廢事。盡入漁樵閒話。悵望倚層樓。寒日無言西下。

別燕

本朝
張錫懌

藻井雕梁曾住。看足柳煙花霧。一霎金風天未起。軟語商量歸去。小

院月昏黃不似舊時情緒。斜日涼生江樹望裏亂山無數。最是寒鴻相遇好。秋怨春愁同訴。密約待重來。休把佳期擔誤。

粉蝶兒

落梅

宋 辛棄疾

昨日春如十三女兒學繡。一枝枝不教花瘦。甚無情便不得雨。偏風慙向園林鋪作地衣紅繡。而今春如輕薄蕩子難久。記前時送春歸後。把春波都釀作一江醇酎。約清愁楊柳岸邊相候。

師師令

贈妓

宋 張先

香鈿寶珥。拂菱花如水。學粧皆道稱時宜。粉色有天然春意。蜀綵衣長勝未起。縱亂霞垂地。都城池苑誇桃李。問東風何似。不須回扇障清歌。脣一點。小於朱蘂。正值殘英和月墜。寄此情千里。

社日

本朝 鄒祗謨

紅深綠淺恰石欄開徧拾將百草鬪輸贏減春色花飛一片細雨社翁飄點點任東風吹轉 閨人此日停針線在朱櫻庭院微寒料峭捲湘簾怕悞卻去年歸燕小糞鷺黃傾幾盞做看花春宴

于飛樂

無題

宋 張先

寶奩開菱鑑淨一掬清蟾新粧臉旋學花添蜀紅衫雙繡蝶裙縷鶉鷄尋思前事小屏風仍畫江南 怎空教草解宜男柔桑暗又過春蠶正陰晴天氣更暝色相兼幽期消息曲房西碎月篩簾

傳言玉女

元宵

宋 晁沖之

一夜東風吹散柳梢殘雪御樓煙煖對鼇山綵結簫鼓向晚鳳輦初

回宮闕。千門燈火。九衢風月。繡閣人人。怎嬉遊。困又歇。艷粧初試。把珠簾半揭。嬌波溜人。手撚玉梅低說。相逢長是上元時節。

白鸚鵡

本朝 柯維楨

珍鳥何來。光映一庭晴雪。舞翻粉翅。慰佳人愁結。自向樊籠久。隔珠宮琳闕。繡閣傳言。綺窗窺月。亦似多情。欲黃昏。嬌語歇。微風初起。把蝦鬚輕揭。喚住雙鬟。欸欸向伊低說。怪他燕子。雙棲時節。

百媚娘

本意

本朝 潘雲赤

愁黛遠山微。皺笑眼橫波。初溜纔一見。人忙退後。道得勝常羞走。十
二曲闌花影瘦。風裏香痕透。不肯去時回首。故掩梅紅羅袖。惱殺
春光如錦繡。遮障霧花煙柳。伫立閒階。還未久。驀被黃鸝咒。

越溪春

雨花臺

本朝 趙維烈

城遶亂山山擁樹。林外有高臺。南朝千古繁華地。記寶花飛滿瑤塔。
松作虬龍。雲如蒼狗。葉滿青苔。琳宮鹿苑黃埃。往事尙縈懷。更誰
閒共講席說法。無遮大會重開。惟有女牆明月夜深冷。照秦淮。

剔銀燈

春夜

本朝 汪懋麟

獨坐知儂。何意憔悴盡臉紅眉翠。小鴨香殘。孤鸞鏡掩。怕見蘭膏光
膩。此時情致。況遇著惱人天氣。簌簌落花偏媚。欲待留春無計。妾
命桃花。歡情楊柳。何處青樓。攜妓溫柔香醉。總不管夜寒人睡。

咏寒燈

曹亮武

憂觸琅玕欲碎。聽慘罷六花還未。撥盡鑪灰磨殘凍墨。一盞寒檠斜
背。連宵天氣。怎逼得光兒逾細。直是冷清清地。記起十年前事滅。

處情親燒時心熱那怕夜長難寐如今何意照不了五更滋味

訴衷情近

閨思

宋柳永

雨晴氣爽竝立江樓望處澄明遠水生光重疊暮山聳翠遙想斷橋
幽徑隱隱漁村向晚孤煙起殘陽裏脈脈朱闌靜倚黯然情緒未
飲先如醉愁無際暮雲過了秋風老盡故人千里竟日空凝睇

解蹀躞

探梅

本朝錢芳標

一帶濛濛晴雪疑入孤山路小橋脩竹停橈暫容與凭遍老榦春苔
被伊悄地勾牽欲行還竝倩誰主休遣封姨吹去重尋醉芳醕有
情蜂蝶棲香戀深處待到蟾影篩時便須安箇紅裯夢和花語

御街行

旅思

本朝 王頊齡

秋山木落楓林赤。衰草粘天白。半擔行李度斜陽。孤雁數聲嘹唳。霜清禾黍。風盤鸛鶴。慘慘愁雲塞。人家一帶炊煙直。野岸漁舟集。異鄉風物況逢秋。王粲登樓心惻。不如歸去。科頭箕踞。高枕看山色。

風入松

湖園

宋 于國寶

一春常費買花錢。日日醉湖邊。玉驄慣識西湖路。驕嘶過沽酒樓前。紅杏香中歌舞。綠楊影裏鞦韆。暖風十里麗人天。花壓髻雲偏。畫船載得春歸去。餘情付湖水湖煙。明日重扶殘醉。未尋陌上花鈿。

園居

本朝 狄億

闌干六曲俯回塘。風薦芰荷香。竹牀磁枕清無暑。閒師友。紙上鍾王。領略箇中真趣。居然砭俗良方。鳴蟬各自鬪新腔。詠盡短和長。晚

來添得煙霞興。都供我眼底文章。頻上高樓弄笛依依。吹送斜陽

祝英臺近

春晚

宋 辛棄疾

寶釵分。桃葉渡。煙柳暗南浦。怕上層樓。十日九風雨。斷腸點點飛紅。都無人管。倩誰喚。流鶯聲住。鬢邊覷。試把花卜歸期。纔簪又重數。羅帳燈昏。哽咽夢中語。是他春帶愁來。春歸何處。卻不解帶將愁去。

西湖

本朝 萬錦雯

引鷗朋。招鷺侶。掉入採菱浦。久慣舟人。指與六橋渡。綠楊處處陰濃。纔催解纜。纔被幾箇啼鶯留住。醉猶伫。不知買酒無錢。明朝約來補。已近黃昏。忘記舊時路。最憐明月多情。分開煙樹。卻緩送畫橈歸去。

荷花

陳 鵬

整風裳。搖水珮。停艷無人處。少小田田。老大紅紅妒。最憐翠蓋孤翻。

露珠圓滑扶不穩。莖莖秋雨。西陵下爲誰立盡黃昏。凌波未能渡。
絲輦房空。心苦子應苦。幾看菱舫人歸。槳牙波嫩。煙月冷一行鷗鷺。
一叢花

晚泊

本朝
吳秉仁

重看冷暖做陰晴。帆影隔江城。落梅萬樹東風裏。才寒食又過清明。
山杏香殘。谿桃紅褪。岸柳拂長亭。拚將春老杜鵑聲。夢破旅魂驚。
沙迴煙際孤村遠。斜陽外漁唱堪聽。數點歸鴉。半灣流水。露鬼火星。
星。

苦雨

徐允哲

虛堂蒼溜溜。故縱橫。多上竹梧聲。冷煙已鎖雕梁燕。更將寒困柳欺鶯。
遠樹團昏。空江添暝。不放舊山青。無端一夜旅愁生。鄉夢杳難成。
淒淒滴滴黃昏後。酒醒也城上三更。寶鴨香沈。銀缸花落。無計對天。

明

金人捧露盤

梅花

宋高觀國

念瑤姬。翻瑤珮。下瑤池。冷香夢吹上南枝。羅浮夢杳。憶曾清曉見仙姿。天寒翠袖可憐。是倚竹依依。溪痕淺。雪痕凍。月痕淡。粉痕微。江樓怨。一笛休吹。芳信待寄。玉堂煙驛雨淒遲。新愁萬斛。爲春瘦。卻怕春知。

柳初新

清明

本朝鄒祇謨

二十四番花信滿。曾幾日春過半。橘花纔綻。榆煙又改。野鳥提壺相喚。何處秋千池館。畫旗邊。錫簫聲緩。蘭葉小舟不見。悵春情半蒿流短。蒼鬢枝老。綠腰草細。飄散玉錢無算。多少翠襦金盃。奈傷心鶯。

拚蝶亂

鬪百花

瓶花

本朝高士奇

雨過園林晴晝。又早暮春前後。名花獨倚芳叢。露溼臙脂初透。折取歸來。更覺丰韻撩人。正是欲開時候。翠壓垂紅袖。低亞簾櫳。愛護殷勤相守。妖嬈無力。梨花半同消瘦。怪煞東風。慣能搓捻韶華。故把輕寒迤逗。

驀山溪

楊花

宋毛滂

雪堂氈徑。撲撲憐飛絮。柔弱不勝春。任東風吹來吹去。牆陰花外。一半落誰家。葉依依。煙鬱鬱。依舊如張緒。那人拈得。吹向釵頭住。不定卻飛揚。滿眼前。攪人情。悵蜂兒。蝶子。教得越輕狂。隔斜陽。點芳草。

斷送青春暮

晚春

明劉基

清明過了。簾幕餘寒淺。芳樹不勝風。任流水、飄紅去遠。煙昏雨暝。天
襯海雲低。鶯意懶。蝶魂消。花盡成秋苑。游絲落絮。特地相縈絆。無
計網春暉。漫贏得、遮人望眼。登高凝睇。欲寄一封書。鴻路阻。豹關深。
日暮空腸斷。

藤枕

本朝錢芳標

輕勻誰作。持比楠榴大。玉骨瘦稜稜。用不著、繡函包裹。井華洗罷。蕃
馬小屏邊。龍鬚妥。鮫綃。隨意斜安箇。有人嬌慵。一餉清華臥。無
計諱紅顚。被印出、粟紋纖瑣。晚涼天氣。茉莉半開時。藏幾朵。香無那。
夢也。風流過。

爪茉莉

本意

本朝
汪懋麟

最喜炎天。趁薰風放蕊。枝兒上白溶溶地。晚涼院落。月照處。清芬似水。安排下。鈿盒金簪。穿花慣。須小婢。鬢鬆髻。驪膩蘭膏。味偏細。私嗅處。早醒殘。醉還留數朶。待朝來上雲髻。將幾枝安放。枕頭根底。夢魂杳。相伴睡。

最高樓

夏夜

宋毛滂

微雨過。深院芰荷中。香冉冉。繡重重。玉人共倚闌干角。月華猶在小池東。入人懷。吹鬢影。可憐風。分散去。輕如雲。與葉剩。下了許多風。與月侵枕簟。冷簾櫳。剛能小睡。還驚覺。略成輕醉。早惺忪。仗行雲。將此恨。到眉峯。

早梅芳

元宵

本朝 趙維烈

月當城。霜融瓦。令節交元夜。滿街燈市。海上鼇山正初駕。香塵雲路起。火樹星球挂。看珠簾半捲。紅袖飄蘭麝。響鈿車。遲寶馬。是好風流也。遺簪墮珥。一餉嬉遊爲貪耍。踏歌聲。縹緲把盞人間。暇笑黃柑不到蓬門下。

拂霓裳

觀劇

本朝 陳維崧

釀寒天。六街皓月盪成煙。腰鼓鬧騰騰。雨點打來圓。銀燈籠暮靄。鐵撥迸秋泉。映嬋娟。想後堂笑語總羣仙。教坊絕藝。一隊懷智龜年。君不醉。風光辜負十分妍。醉餘偏惹恨。歸去不成眠。忽淒然。悵桐花一樹綠簾前。

洞仙歌

生日

明 顧孔昭

婁江一碧動鱸魚佳興浩蕩鷗波放煙艇過溪橋十里香稻垂花秋
未晚遠渚芙蓉萼萬柄野翁能愛我酌酒烹雞何處漁歌更堪聽醉
起試推篷驟雨初收斜陽外山光雲影顧百歲逍遙灑西東任華髮
星星換來青鏡

乞巧

本朝 陳維崧

碧雲耿耿見銀河低瀉人在斜樓曝衣罷告天孫臣本屠釣江東疎
拙甚願以蛛絲巧借天孫含笑答見事卿遲大抵聰明讓聾啞試
看古今來劉項孫曹都留做殘編閒話只賜汝狂駮倍常年好爛醉
高歌花天月夜

薰蘭芳引

旅思

宋 周邦彥

寒瑩晚空。點青鏡。斷霞孤鶩。對客館深局。霜草未衰。更綠倦遊厭旅。
但夢遶阿嬌金屋。想故人別後。盡日空疑風竹。塞北鸛。江
南圖障。是處溫燠。更花管雲牋。猶寫寄情舊曲。音塵迢遞。但勞遠目。今夜
長爭奈枕單人獨。

簇水

玉蝶梅

本朝

李良年

誰剪冰房。層層疊。就宣和粉。灞橋客醉。想蹀躞低徊。吟髻消盡春煙。
水邏麴糝沙痕淨。怕素蝶飛來難認。紋簾醒可。還記參橫月落人
去後。空香徑。家園最憶。是第一番風信。桃李那時。年少只有琅玕並。
池奩小浸晚涼清影。

江城梅花引

夜雪

本朝

錢繼振

脩篁一夜入簷隈。是誰催雪相催。起趁梅花獨自步閒階。雪又不
停風又緊。梅壓竹。竹欺梅。兩相猜。柴門柴門不能開。玉成堆。粉成堆。
檝檝瑟瑟吟不穩。洗盞傾醅。忽聽籬邊剝啄響蒼苔。童子急將三徑
埽。東谿叟爲詩來。爲雪來。

魚游春水

中冷泉

本朝 陳鶴翔

翠石危無底。蘸萬頃煙波如綺。一泓清冷分出江心。瀾瀾畚來銀盃。
波紋縐煮入茶鑪。松火細味似詩人。淡而彌旨。最愛晚來天氣水
面印月光清駛。試將玉茗勻分磁甌淨洗。喜是客航攜帶便還看蟹
眼聲聲沸七碗。怡情三卮並美。

歷朝名人詞選卷九目次

長調

夏雲峯 一首

露華 三首

東風齊著力 一首

轆轤金井 一首

意難忘 三首

法曲獻仙音 一首

瀟湘夜雨 一首

滿江紅 十八首

如魚水 一首

惜秋華 一首

梅子黃時雨 一首

一枝春 一首

雪梅香 一首

玉漏遲 二首

六么令 一首 或作綠腰

掃花遊 二首 又名掃地遊

水調歌頭 四首

滿庭芳 十一首 卽滿庭霜 又名鑠陽臺

鳳凰臺上憶吹簫 二首

歷朝名人詞選卷九

清綺軒原本

華亭夏秉衡選

長調

夏雲峯

夏景

宋柳永

宴堂深。軒楹雨。輕壓暑氣沈沈。花洞彩舟泛。學坐遶清潯。楚臺風快。湘簾冷。永日披襟。坐久覺疎絃脆管。時換新音。越娥蕙態蘭心。逞妖艷。昵歡邀寵難禁。筵上笑歌閒發。舄履交侵。醉鄉深處。須盡興。滿酌高吟。向此免名韁利鎖。虛費光陰。

露華

碧桃

宋王沂孫

紺葩乍坼。笑爛熳。嬌紅不是春。色換了。素粧重把青螺輕拂。舊歌共

渡煙江。卻占玉奴標格。風霜峭。瑤臺種時付與仙骨。閒門晝掩。淒惻似淡月。梨花重。化清魄。尙帶唾痕香凝。怎忍攀摘。嫩綠漸暖。溪陰簌簌粉雲飛出。芳艷冷。劉郎未應認得。

玉簪

元張翥

瀛洲種玉。總付與花神。月底深。斲琢就瑤笄。光映鬢雲斜。矗幾度借取搔頭。別試漢宮妝束。風露冷幽香。半襟淡。竝欄曲。亭亭雪艷愁獨愛。粉沁冰。簫鬢撚金粟。石上那回磨斷。爭忍輕觸。一自楚客歸來。珠履舊遊。誰續秋夢起。殘妝半簪墜綠。

豆棚

本朝陳枋

迷香舊路。訝一架平添。別樣蔬圃。罨網捎簷。滿院葡萄無緒。好趁鼓瑟人閒。樹底襪塵潛步。風葉響菲菲。晚花六月疎雨。纖纖摘罷。延佇。正月暈乍黃澹。黏珠露。宛似翡翠帷籠。涼翠簾戶。十點五點飛螢。

巧坐葉心來。去清夜靜。蟲娘絡絲不住。

東風齊著力

咏蝶

本朝

張淵懿

髣髴韓魂依稀莊夢。生愛春暉。修眉淡粉。鬪巧豔陽時。是處迷花戀
草。頻沾惹曉露。侵肌香叢裏。乍高乍下。住住飛飛。美景正芳菲。悄
驀向曲廊鎖院偷窺。嬌黃嫩白。弄影上簾幃。旋捉輕紈小扇。東風軟
飄過牆西。深閨內。憐伊作對。繡在羅衣。

轆轤金井

憶筍

本朝

錢芳標

輕雷山徑正苔痕。一綫箴龍將迸。雲根剝去。借園丁鑿柄。春芽玉瑩。
伴女手纖纖難認。薦共櫻盤香偷。蘭畹甘疑蔗境。闌干幾回獨凭。
想伎船酒渴僧廚。夢醒茗椀。翻匙又筠籠。攜贈紫苞微映。猶未到綠

肥風勁乍削。琅玕休調鹽豉。淡交偏勝。

意難忘

歌妓

宋周邦彥

衣染鶯黃愛停歌。駐拍勸酒持觴。低鬟蟬影動私語。口脂香。蓮露滴。竹風涼。揀劇飲淋浪。夜漸深。籠燈就月。子細端相。知音見說無雙。解移宮換羽。未怕周郎長鬢。知有恨。貪耍不成粧。些箇事。惱人腸。待說與何妨。又恐伊尋消問息。瘦減容光。

雅集

本朝曹爾堪

一枕滄浪在故園。老矣總勝他鄉。庭柯留晚照。寒雁待秋霜。菱角美。芋頭香。賽洛浦伊魴。已慣聽蕭蕭暮雨。曲唱吳娘。西陵刻燭飛觴。彷彿古人。八達佐史。三章醉同陶。令臥醒亦次公。狂看兩鬢漸蒼蒼。遇斗酒須嘗。更相期中秋月。白重九。花黃。

撲螢

葉尋源

數點流螢。正黃昏時節。梅雨初晴。風微吹。細火煙薄。漾疎星。依翠幙。
颭紅橋。恰值晚粧停。想玉郎乘涼夜讀。好當書燈。空廊又怯孤行。
問雙鬢。睡未來伴。深更霜紈。隨腕動。小袖觸花輕。湖石畔。竹陰層半。
晌忽心驚。是栖鴉。桐花蹴地。錯認釵聲。

法曲獻仙音

秋怨

宋 吳文英

落葉霞翻。敗窗風咽。暮色淒涼深院。瘦不關秋。淚緣生。別情銷鬢霜。
千點。悵翠冷。搔頭燕。那能語。恩怨紫簫遠。記桃枝向。隨春渡。愁未
洗鉛水。又將恨。染粉縞。澀離箱。忍重拈燈夜。裁剪望極。藍橋彩雲飛。
羅扇歌斷。料鸚籠玉鎖。夢裏隔花時見。

瀟湘夜雨

歷朝名人詞選

卷九

三掃葉山房石印

燈花

宋趙長卿

斜點銀缸。高擎蓮炬。夜深不耐微風。重重簾幙捲堂中。香漸遠。長煙裊。裊光不定。寒影搖紅。偏奇處。當庭月暗。吐焰如虹。紅裳呈艷麗。娥一見。無奈狂蹤。試煩他纖手。捲上紗籠。開正好。銀花照夜堆不盡。金粟凝空。丁寔語。頻將好事來報主人公。

滿江紅

本意

宋岳飛

怒髮衝冠。凭欄處瀟瀟雨歇。擡望眼。仰天長嘯。壯懷激烈。三十功名塵與土。八千里路雲和月。莫等閒。白了少年頭。空悲切。靖康恥。猶未雪。臣子恨。何時滅。駕長車。踏破賀蘭山缺。壯志飢餐胡虜肉。笑談渴飲匈奴血。待從頭。收拾舊山河。朝天闕。

會流杯亭

晁補之

東武城南新堤固。漣漪初溢。隱隱遍長陵高阜。臥紅堆碧。枝上殘花
吹盡也。與君試向江邊覓。問向前猶有幾多春。三之一。官裏事何
時畢。風雨外無多日。相將泛曲水。滿城爭出不見。蘭亭脩禊事。當時
座上皆豪逸。到如今。修竹滿山陰。空陳迹。

離愁

辛棄疾

敲碎離愁。紗窗外風搖翠竹。人去後。吹簫聲斷。倚樓人獨。滿眼不堪
三月暮。舉頭已覺千山綠。但試把一紙寄來書。從頭讀。相思字空
盈幅。相思意。何時足。滴羅襟。點點淚珠盈掬。芳草不迷行客路。垂楊
只礙離人目。最苦是立盡月黃昏。闌干曲。

秋旅

蔣捷

秋本無愁。奈客裏秋偏岑寂。身老大。忻敲秦缶。懶移陶甓。萬誤曾因
疎處起。一閒且向貧中覓。笑新來多事。是征鴻聲嘹唳。雙戶掩。孤

燈剔書束架。琴懸壁。笑人閒無此。小窗幽閨。浪遠微聽。葭葉響雨殘。
細數梧梢滴。正依稀。夢到故人家。誰橫篴。

聽雨

張孝祥

斗帳高眠。寒牕靜。瀟瀟雨意。南樓近。更移三鼓。漏傳一水。點點不離。
楊柳外。聲聲只在芭蕉裏。也不管。滴破故鄉心。愁人耳。無似有遊。
絲細。聚復散。眞珠碎。天應分付與。別離滋味。破我一床蝴蝶夢。輸他。
雙枕鴛鴦睡。向此際。別有好思量。人千里。

憶別

元好問

一枕餘醒。厭厭共相思。無力人語定。小窗風雨。暮寒岑寂。繡被留歡。
香未減。錦書封淚。紅猶濕。問寸腸能著幾多愁。朝還夕。春草遠。春
江碧。雲黯淡。花狼藉。更柳綿閑颺。柳絲難織。入夢終疑神女賦。寫情
除有文通筆。恨伯勞東去。燕西飛。空相憶。

金陵懷古

薩都刺

六代豪華春去也，更無消息空悵望。山川形勝已非疇，昔王謝堂前
雙燕子。烏衣巷口曾相識，聽夜深寂寞打孤城。春潮急，思往事，愁
如織。懷故國空陳迹，但荒煙衰草亂鴉斜日。玉樹歌殘，秋露冷，臙脂
井壞寒蟬泣。到如今只有蔣山青，秦淮碧。

桃花

張翥

前度劉郎重來訪，元都燕麥回首地暗香銷盡。暮雲低碧啼鳥猶知
人悵望，東風不管花狼藉。又淒淒紅雨夕，陽中空相憶。繁華夢渾
無迹，丹青筆還留得恍一枝長見故園春色。塵世事多吾欲避，武陵
路遠誰能覓。但有山可隱，便須歸栽桃客。

春暮

明文徵明

漠漠輕陰正，梅子弄黃時節。惱是欲晴還雨乍寒，又熱燕子梨花

都過也。小樓無那傷春別。傍闌干欲語更沈吟。終難說。一點點楊花雪。一片片榆錢莢。漸日隱西垣。晚涼清絕。池面盈盈清淺。水柳梢淡淡黃昏。月是何人吹徹。玉參差情淒切。

秋賞

陳道復

秋在芙蓉闌干外。錦雲如簇。更喜得桂枝無語。垂垂金粟。槐院風來。殘酒醒。藤床睡起。茶剛熟。倩多嬌出手。弄冰絃。彈成曲。人影亂斜陽促。溪月上新涼。足看有。斐堂前翠簾高軸。可惜重陽將近也。一般欠事。無黃菊。最憐他。西圃綠涓涓。千頭竹。

咏柳

本朝 張淵懿

南陌春光無端被柔條漏洩。遶池塘。麴麴弄影隨風飄。撇水驛樓頭寒食雨。旗亭屋角黃昏月。慣安排。青眼看行人。輕攀折。鶯飛處。流梭揭馬嘶處。游韉掣任綠陰深淺。翠描金抹。百歲韶華曾有幾年。

一○度○花○如○雪○漫○殷○勤○弱○縷○繫○相○思○同○心○結○

暮春柳

毛先舒

一○片○殘○陽○映○幾○處○河○橋○晴○色○問○當○日○征○衫○別○淚○爲○誰○沾○濕○暮○雨○瀟○瀟○
魂○已○斷○白○雲○冉○冉○愁○無○極○滅○風○流○不○似○鬪○腰○支○初○相○識○章○臺○路○春○
狼○籍○灞○水○岸○煙○斜○織○驀○紅○塵○無○數○馬○蹄○輪○跡○飛○絮○影○隨○風○上○下○離○人○
望○斷○江○南○北○怕○重○來○剩○有○亂○蟬○嘶○千○條○碧○

咏螢

姚鑑

螢○火○微○鮮○湘○簾○外○亂○星○如○滴○最○好○是○初○殘○小○雨○流○光○熠○熠○暗○水○池○塘○
分○又○聚○簷○花○顛○倒○疎○還○密○颺○高○樓○簌○簌○晚○風○斜○飛○無○力○臺○榭○下○闌○
干○側○驚○少○婦○悽○孤○客○看○深○閨○巧○入○繞○人○羅○褶○儘○可○輕○翻○羅○扇○底○莫○教○
浪○惹○蠟○蛸○織○伴○蛩○吟○一○夜○好○燈○花○相○憐○惜○

咏燈

沈謙

獨對銀釭聽街鼓不堪愁絕。卻是春陰陡暗。晚風偏劣。耿耿未成。
虛枕夢搖搖轉覺空房怯。鎮淒涼流淚濕黃昏。花重疊。雲鬢擁香。
肌臂。徒想像。增嗚咽。怎照人歡會。照人離別。欲簡私書。還剔起。怕看。
孤影。將吹滅。恰纔餘一燄。解羅衣。翻成結。

蟋蟀

宋 琬

試問哀蛩。底事終宵嗚咽。料得汝前身。多是臣孤子。孽青鎖闥邊。
瓔珞草。碧紗窗外玲瓏月。況兼他。萬戶搗衣聲。同淒切。梧葉落西。
風冽。蓮漏滴。征鴻滅。似杜鵑春怨。年年啼血。千里黃雲。關塞客。三秋。
紈扇。長門妾。背銀釭。和淚共伊愁。牀前說。

競渡

嚴繩孫

生老樊川。說不盡水嬉狂興。記當日湖光十里。畫橈相並。金管風多。
聽又失珠簾。雨細看難定。算陳思著眼。不曾多。驚鴻影。凭舷意應。

難省拋醉纈。朱榴映儘繁華。都付藕絲風。領一簇愁紅空極浦。半湖柔綠。浮歸艇。正高樓人在柳陰中。煙光暝。

咏秋風

馮瑞

夜永更闌。紗窗外幾番搖曳。試起看無形無影。滿庭殘月上砌。敲扉花影亂穿簾入幕。孤燈滅。猛回頭。疑是玉人來。關情切。聲細細。悲鳴咽。寒慘慘。愁重疊。怪音容何在。空傳紅葉。驚我客衣添冷落。催他團扇輕離別。恨秋聲偏繞舊香閣。新時節。

聞雁

閩秀
徐燦

既是隨陽。何不向東吳南越。也只在黃塵燕市。其人淒切。幾字摧殘。風雨夜一聲。叫落關山月。正瑤琴彈到望江南。冰絃歇。悲共喜。工還拙。廿載事。心閒疊。卻從頭喚起。滿前羅列。鳳沼漁磯。何處是荷衣。玉佩憑誰決。且低飛。莫便入高雲。明春別。

如魚水

泛湖

宋柳永

輕靄浮空。亂峯倒影。瀲灩十里銀塘。繞岸垂楊。紅樓朱閣相望。菱荷香。雙雙戲鷓鴣。鴛鴦乍雨。過蘭芷汀洲。望中依約似瀟湘。風淡淡。水茫茫。動一片晴光。畫舫相將。盈盈紅粉清商。紫薇郎。修楔飲且樂。仙鄉便歸去。徧歷鸞坡鳳沼。此景也難忘。

惜秋華

牽牛花

本朝高層雲

碧篠芳畦。引輕絲纏裊。亂鬢捎露。影淡絳河。微微嫩涼初曙。翠綃在。苒隨風。還倩把纓。帶留住。開處有疎蛩。敗葉殘蟬。荒樹黛色儘堪妬。愛娟娟冷艷。映冰奩眉嫵。欹倦花鈿。悽絕柳陰當午。停梭閒對幽叢。任銷凝。隔紗無語。愁暮洗秋容。最宜纖雨。

梅子黃時雨

本意

本朝 錢芳標

紅綻纔肥。鎮煙鎖、樾陰珠響。簷霽笑睡，損香闥。誤辰爲酉。聞喚司書覓。塵尾防他。蹴。滲。緗。囊。舊。熏。籠。覆。一。線。水。沈。時。透。鴛。袖。消。瘦。新。疎。詩。酒。儘。清。齋。繡。佛。聊。遣。長。晝。更。蟹。眼。閒。烹。龍。團。私。鬪。三。十。六。陂。秧。水。闊。空。濛。不。似。湔。裙。候。微。暉。漏。又。被。婦。鳩。儻。慙。

一枝春

聞歌

宋 周密

淡碧春姿。柳眠醒似怯。朝來疎雨。芳塵乍數。喚起探花情緒。東風尙淺。怎先有翠嬌紅嫵。應自把羅綺圍春。占得畫屏春聚。留連繡叢深處。愛歌雲裊裊。低隨香縷。瓊窗夜暖。試與細評新譜。妝眉媚粉。料無奈。弄鬢佯妬。還只怕簾外籠鸚。笑人醉語。

雪梅香

懷人

宋柳永

景蕭索。危樓獨立面晴空。動悲秋情緒。當時宋玉應同。漁市孤煙。裊寒碧水村殘。葉舞愁紅。楚天闊。浪浸斜陽。千里溶溶。臨風想佳麗。別後愁顏。鎮斂眉峯。可惜當年。頻垂雨跡。雲踪雅態妍恣。正歡恰落花流水。忽西東。無慘恨。相思意。盡分付征鴻。

玉漏遲

詠懷

元好問

浙江歸路杳。西南卻羨投林高鳥。升斗微官。世累苦相縈繞。不似麒麟殿裏。又不與、巢由同調。時自笑。虛名負我。半生吟嘯。擾擾馬足車塵。被歲月無情。暗消年少。鐘鼎山林。一事幾時曾了。四壁秋蟲。夜兩更一點。殘燈斜照。清鏡曉。白髮又添多少。

閨思

本朝 梁清標

篆煙消錦幄。愁中又聽漏聲催早。卸罷殘粧。繡被暗生寒峭。想像前宵好。夢剩瘦。影蘭釭。相照燈暈小。雁鴻報到。歸人猶杳。消息試探梅花。待漏淺春光。可同歡笑。欹枕釵橫。畫樓幾番慵眺。一紙音書寄語。問白髮近添多少。奩鏡悄。眉峯爲誰頻掃。

六么令

咏露

明 劉基

淡雲收盡。月在蒼龍角。霏霏似煙非霧。空裏無聲落。漢殿仙人掌冷。桂影篩高閣。玄蟬皜鶴。相呼相喚。嗽燕華。滋笑丹藥。寒蛩不分命薄。永夜驚離索。絡緯也共莎雞吹盡。傷心曲。只恐韶華易晚。辜負蓬萊約。秋容寂寞。憑君著意。染取楓林。賚紅萼。

掃花遊

夏景

元 張半湖

柳絲曳綠正。荳雨初晴。水天清。夏石榴綻也。看猩紅萬點倚亭欹。榭
瑣闥深中。料想酒闌歌罷。日將下。是那處藕花香勝沈麝。窗外風
竹打似戛。玉敲金送聲。瀟灑共觀古畫。喚石鼎烹茶。細商幽話。寶鴨
煙消天外。新蟾低挂。涼無價。又丁東數聲簷馬。

試茶

本朝 朱彝尊

杏花過了。正穀雨初晴。遶籬雲水。曉山十里。見春旗乍轉。綠槍未試。
立盡濃陰。聽到吳歌。偏起焙香氣。一縷午煙。人靜門閉。清話能有
幾。任舊友都來。素餐頻遞。悶懷盡矣。況年來病酒。夜闌須記。活火新
泉。夢遶松風。曲几暗燈。裏隔紗窗。小童斜倚。

水調歌頭

中秋

宋 蘇軾

明月幾時有。把酒問青天。不知天上宮闕。今夕是何年。我欲乘風歸去。又恐瓊樓玉宇。高處不勝寒。起舞弄清影。何似在人間。轉朱閣。低綺戶。照無眠。不應有恨。何事常向別時圓。人有悲歡離合。月有陰晴圓缺。此事古難全。但願人長久。千里共嬋娟。

春半

劉過

春事能幾許。密葉著青梅。日高花困海棠。風煖想都開。不惜春衣典盡。只怕春光歸去。片片點蒼苔。能得幾時好。追賞莫徘徊。雨飄紅。風換翠。苦相催。人生行樂。且須痛飲莫辭杯。坐則高談風月。醉則恣眠芳草。醒後亦佳哉。湖上新亭好。何事不曾來。

遊武穹

宋羅慶

雨晴山潑翠。溪淨水拖藍。閒來共陪杖履。邂逅已成三。齒齒清泉白石。步步碧桃翠竹。是處輒幽探。行到釣臺下。怪樹蔭空潭。踏芳洲。

尋別館履巉巖。壺天日月長在。雲氣滿東南。沾得一尊濁酒。喚取山花谿鳥。聽我醉中談。異日再過此。端爲解征驂。

溪泛

本朝曹亮武

最愛兩溪水。溪上點青螺。茫茫一葦萬頃。樂事不須他。塵市那堪鬱悒。每到水天佳處。煩渴總消磨。浩蕩數聲笛。響透毒龍窩。休搔首。追往事。怨蹉跎。今宵篔簹紋明淨。倩汝浸金波。容我百壺頻送。醉倚篷窗極目。獨自放狂歌。但願柳陰下。長此共漁簑。

滿庭芳

別意

宋秦觀

山抹微雲。天粘衰草。畫角聲斷譙門。暫停征棹。聊共引離尊。多少蓬萊舊事。空回首。煙靄紛紛。斜陽外。寒鴉數點。流水遶孤村。消魂當此際。香囊暗解。羅帶輕分。謾贏得青樓薄倖名存。此去何時見也。襟

袖上空染啼痕傷情處高城望斷燈火已黃昏

春遊

闕名

曉色雲開春隨人意驟雨纔過還晴古臺芳榭飛燕蹴紅英舞困榆錢自落鞦韆外綠水橋平東風裏朱門映柳低按小秦箏多情行樂處珠鈿翠蓋玉轡紅纓酒空金盞花困蓬瀛荳蔻梢頭舊恨十年夢屈指堪驚凭闌久疎煙淡日寂寞下蕪城

夏景

周邦彥

風老鶯雛雨肥梅子午陰嘉樹清圓地卑山近衣潤費爐煙人靜鳥鳶自樂小橋外新綠濺濺凭闌久黃蘆苦竹擬泛九江船年年如社燕飄流瀚海來寄脩椽且莫思身外長近樽前憔悴江南倦客不堪聽急管繁絃歌筵畔先安枕簟容我醉時眠

促織

張鑑

月洗高梧露溥幽草寶釵樓外秋深土花沿翠螢火墜牆陰靜聽寒
聲斷續微韻轉淒咽悲沈爭求侶殷勤勸織促破曉機心兒時曾
記得呼燈灌穴斂步隨音任滿身花影猶自追尋携向畫堂試鬪亭
臺小籠巧裝金今休說從渠牀下涼夜聽孤吟

落花

明
馬浩瀾

春老園林雨餘庭院偏惹蝶駭鶯猜薦紅皺白狼籍滿蒼苔正是愁
腸欲斷珠箔外點點飄來分明似身輕飛燕扶下碧雲臺當初珍
重意金錢競買玉砌新栽更翠屏遮護羯鼓催開誰道天機繡錦都
化作紫陌塵埃紗窗裏有人憐惜無語托香腮

春閨

本朝
吳亮中

柳眼全青桃腮半赤黃鶯枝上初啼非因中酒何事睡偏宜自小深
藏金屋香閨路夢去還迷方驚起小鬟來報燕子恰雙飛更衣隨

步到眾芳亭畔。芍藥欄西。見花屏角裏。矮矮朱扉。正好低聲索問。將從此逗去芳思。回頭覷。閒庭立久。阿母見須疑。

重九

王屋

四野煙清滿。城雨霽。天開此日重陽。今年候早。早稻已登場。報道田家酒熟。能賒否。引領東岡登高去。誰扶吾者。一路野花黃。山當西面缺。萬竿竹好。千尺松強。喜閣開林杪。消受秋光。入座雲煙五色。都教助老子文章。揮毫處。龍蛇走壁。不雨氣蒼涼。

聽琴

張雲錦

茶熟龍團香。添鳳餅。夜深寒露初垂。疎簾半捲。天淡絳河低。一派花枝。柳葉遮不斷。月影星輝。閒窗靜。張徽一曲。不住彩雲飛。淒淒絃乍促。離羣鶴怨。獨舞鸞悲。聽江流聲咽。雁陣驚回。四座相看悄悄。都不覺淚滿春衣。東風外。餘音未絕。千樹曉鶯啼。

坐月

閨秀

沈樹榮

宿雨全收。晚涼乍爽。微雲點綴長天。廣寒宮敞。素面露嬋娟。影浸閒庭如水。看浮動、梧竹和煙相依處。團圓共話。人月恰雙圓。記闌干十二。桂花叢下。分劈紅箋許。詩成次韻。學步隨肩。一向秋光隔斷。清輝好。兩地空懸。今夜永參橫。斗轉幽賞不成眠。

和韻

沈蘭英

螢火流空。蛩吟向夕。冰輪碾破瑤天。香飄雲外。桂子靜娟娟。對月幾人無恙。多半隔遠樹蒼煙。難逢是一庭聯袂。把盞看重圓。淒涼無限沈吟。含毫欲寫。累紙盈箋。任金風拂面。玉露侵肩。還惜良宵景促。無繩繫皓魄。長懸應飛去。廣寒宮裏清影共愁眠。

春雨

龔靜照

春雨淹淹。春愁脈脈。嬌黃媚紫都非。韶華幾許。九十半成違。風煖水

紋如皺。凭闌處。漫漫芳菲醒。殘夢多情未減。妄處轉依依。追思曾
玩賞。舊時情事。珠淚頻揮。漸看看成病。減卻香圍。客裏清明過也空。
贏得綠慘紅稀。如萍燕東西。飄泊不解。認人歸。

鳳凰臺上憶吹簫

離別

宋 李清照

香冷金猊。被翻紅浪。起來慵自梳頭。任寶奩塵滿。日上簾鉤。生怕離
懷別苦。多少事欲說還休。新來瘦。非干病酒。不是悲秋。休休。這回
去也。千萬遍陽關也。則難留。念武陵人遠。煙鎖秦樓。惟有樓前流水
應念我。終日凝眸。凝眸處。從今又添一段新愁。

閨思

本朝 程光禔

有意拈針。無心添線。何時細語憑肩。正蝶雙牆裏。燕偶簾前。好把春
心攪亂。渾無緒。總爲情牽。難留住。黎妝褪雪。桃靨飛煙。無緣箇人

去也。應繡著芙蓉。藕斷絲連。任門塵蛛網。塔積苔錢。池畔微波吹皺。
春殘處。柳岸沙田。風來了。桐花亂落。敲響琴絃。